

7. maj 2010

UPA2010/95

**Meeqqanut suli atualinngitsunut perorsaanikkut inerikkiartuutaasunik
ulluunerani neqerooruteqartarneq pillugu Inatsisartut peqqussutaata
allanngortinneqarnissaanut Inatsisartut peqqussutaat**

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliap**

ISUMALIUTISSIISSUTAA

Peqqussutip aappassaaneerpeqarnissaanut saqqummiunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliap suliarinninnermini ukuninnga inuttaqarpoq:

Harald Bianco, Inuit Ataqtigiit
Debora Kleist, Inuit Ataqtigiit
Andreas Uldum, Demokraatit
Malik Berthelsen, Siumut
Knud Kristiansen, Atassut

UPA 10-mi ulloq 20. april 2010 siullermeerinnereernerup kingorna
Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap siunnersuut misissuataarpaa.

Siunnersuutip imarisaa

*Meeqqanut suli atualinngitsunut perorsaanikkut inerikkiartuutasunik ulluunerani
neqerooruteqartarneq pillugu Inatsisartut peqqussutaanni nr. 10 5. december 2008-
imeersup ersarissarneqarnissaa siunnersuuteqarnermi pingaarnertut siunertaavoq.
Meeqqanut suli atualinngitsunut perorsaanikkut inerikkiartuutaasunik ulluunerani*

neqeroorutitut akiliuteqartarneq pillugu *Namminersorlutik Oqartussat nalunaarutaat nr. 17, 27. november 2009-meersup* Inatsisartut peqqussutaanni naammattumik tunngavissinneqanngimmat Ombudsmandip nassuerutiginninnera tunuliaqutaralugu siunnersuut saqqummiunneqarpoq.

Tamatuma kingunerisaanik Inatsimmi tunngavigineqartup ersarissarneqarnissaa Naalackersuisut pisariaqartutut isigaat. Tamatumunnga atatillugu piginnaatitsinissamut aalajangersakkat allat aammattaaq erserissarneqarnissaat pissusissamisoortutut isigineqarpoq.

Ataatsimiititaliap siunnersuummik suliarinninnera

Siunnersuut partiinit tamanit tapersersorneqartoq Ataatsimiititaliap maliginarpaa. Siunnersuutip oqaatsinut tunngasortaasa ersarissarneqarnissaat taamaallaat pineqarmat taamaalillunilu Inatsisartut peqqussutaata tunngaviusumik anguniagai kalluarneqanngimmata aammattaaq Ataatsimiititaliap paasivaa.

Inassuteqaat

Qulaani allassimasut siullermeerinninnermilu oqaaseqaatigineqartut tunngavigalugit **Ataatsimiititaliap isumaqatigiittup** siunnersuut **akuersissutigineqassasoq** inassutigaa.

Taama oqaaseqaateqarluni Ataatsimiititaliap siunnersuut aappasaaniigassanngortippaa.

Harald Bianco

Debora Kleist

Andreas Uldum

Malik Berthelsen

Knud Kristiansen